



KOMUNIKADO PA PRENSA

Fecha

16/9/2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

MINISTER BALBORDA TA PARTISIPÁ KU TRABOUNAN DI MANTENSHON DI KAMINDA DEN ÁREA DI MARCHENA TA BAI KUMINSÁ

Willemstad – Minister Balborda di Ministerio di Tráfiko, Transporte i Planifikashon Urbano huntu ku Servisio pa Obra Públiko ta inisiá e proyekto pa drecha kamindanan di tera den e área di Marchena. E proyekto ta konsistí di 2 tipo di trabou: 1) asfaltá kamindanan di tera i 2) renobá kapa di asfalt riba vários kaya.

Durante di e trabounan aki, Servisio pa Obra Públiko lo analisá e kamindanan riba kual awa ta keda para hopi na momentu di kaida di áwaseru. Lo drecha e kaminda di tal manera pa asina trata na eliminá e molèster aki.

E proyekto aki tin komo meta pa alsa kalidat di bida i minimalisá molèster di stof den bario. Trabounan ta plania pa dura 3 luna i kontratista Mirten General Contractor lo ehekutá e trabounan. E proyekto total pa e área aki ta kosta rondó di Naf. 250.000.

Durante di e trabounan lo desviá tráfiko hasiendo uso di bòrchinan di indikashon. Servisio pa Obra Públiko ta pidi tur outomobilista pa tene bon cuenta ku e kambionan aki i kore ku koutela. Di e forma aki nos ta evitá kualke inkumbinensia i tambe ta garantisá seguridat di e trahadónan ku ta hasiendo e trabou.

Minister Balborda ta gradisí komunidad adelantá pa e kompreshon i pasenshi. E ta konvensí ku e trabounan aki, unabes finalisá, lo trese hopi alivio pa tur habitante di Marchena.